

ALDY STOP MOBING  
CGSLIV  
ANTIKORUPCIJSKA  
MREŽA ORGANIZACIJA  
CIVILNOG DRUŠTVA

JUSTIJA  
FORUMGZE  
UGTOPER  
**ACCOUNT**



**ACCOUNT  
ZAPOČEO  
SARADNJU SA  
MINISTARSTVOM  
PRAVDE  
REPUBLIKE  
SRPSKE**

Ministar pravde u Vladi Republike Srpske, Anton Kasipović, direktor Centra za razvoj medija i analize Eldin Karić i Dženana Alađuz, direktorica Udruženja INFOHOUSE, potpisali su 12.1., u Banjoj Luci, Memorandum o saradnji između Ministarstva pravde Republike Srpske i Antikorupcijske mreže u BiH – ACCOUNT.

*„Borba protiv korupcije je obaveza i opredjeljenje Vlade Republike Srpske i Ministarstva pravde. U tom smislu dragocjena je i saradnja sa nevladinim sektorom“*, izjavio je ministar pravde u Vladi Republike Srpske, Anton Kasipović.

*„Ovo je veoma značajan dokument i veliki korak u borbi protiv korupcije, posebno jer se prvi put definiše saradnja naše mreže sa institucijama u Republici Srpskoj“*, istakao je direktor Centra za razvoj medija i analize, Eldin Karić.

**PLANOVI  
INTEGRITETA ZA VIŠE  
OD 900 INSTITUCIJA  
REPUBLIKE SRPSKE  
UZ PODRŠKU MREŽE  
ACCOUNT!**

**Prvi ciklus programa obuka za izradu planova integriteta za 938 predstavnika javnih institucija, jedinica lokalne samouprave, ustanova i preduzeća okončan je 16. februara 2017. godine.**

Jelena Vukadonović, pomoćnica ministra pravde RS, smatra planove integriteta preventivnim mehanizmom borbe protiv korupcije, čije usvajanje predlažu i promovišu sve međunarodne strategije i konvencije u toj oblasti. *„Usvajanje tih planova je obavezna aktivnost i Ministarstvo pravde je kao nosilac antikoruptivnih aktivnosti u Republici Srpskoj počelo sa ovim obukama koje će biti kontinuirane tokom cijele godine,“* rekla je Vukadinovićeve. Program obuke implementira Ministarstvo pravde Republike Srpske uz tehničko-konsultantsku podršku Antikorupcijske mreže u BiH – ACCOUNT

**Žurnal razotkriva korupciju**

Žurnal redovno izvještava o korupciji kroz istraživačke priče, analize i vijesti. Novinari su istraživali između ostalog [kako je u državnim institucijama potrošeno 48 miliona maraka za nepotrebno licenciranje računara](#); šta se krije iza novog federalnog Zakona o osiguranju ([SDA prepušta HDZ-u milionsku zaradu u Federaciji](#)); te kako je [Emir Kusturica od Vlade RS dobio novih milion i po maraka za Andrićgrad](#).

Tu je i priča o tome na šta je sve [Savez logoraša BiH potrošio pet miliona](#); kako je [sutkinja Drena Marin iz Prijedora imenovala vlastitu sestru Sandu Zubanović za advokata po službenoj dužnosti...](#) Analizirali smo ima li pravde u BiH: [Sudovi i tužilaštva su sredstva za političke manipulacije](#). Prvi smo izvjestili o novom skandalu u Tužilaštvu BiH: [Iz spisa nestalo 55 hiljada maraka](#). Žurnal je otkrivao nove podatke o alarmantnom stanju u Univerzitetском kliničkom centru Sarajevo: [Djeca sa teškim srčanim manama mjesecima čekaju operaciju!](#), [Neophodne lijekove pacijenti kupuju u apoteci predsjednika Upravnog odbora](#); [Sebija Izetbegović: Direktorica koja samu sebe bira, kontroliše i potpisuje zapisnik](#).

Pratite [zurnal.info](http://zurnal.info) i dalje!

**Novi istraživački film u produkciji TV Žurnal!**

Više od dvije godine prošlo je od akcije „Pandora“ u kojoj je uhapšen bivši direktor Uprave za indirektno oporezivanje (UIO) Kemal Čaušević, pomoćnik direktora za carine Zdravko Cvjetinović i još 40 osoba. Tužiteljski tim sve je manji, a optužnice nema. Afera TV Žurnal u filmu "Pandorina kutija" objavljuje dosad neobjavljene snimke sa ročišta za pritvor u predmetu Kemal Čaušević i drugi. "Pandorina kutija" pokazuje na koji način je izvlačen novac građana BiH preko UIO, ko je zapravo Kemal Čaušević, ko je godinama imao povlašten položaj pri uvozu tekstila, ko je profitirao izvozom frižidera, koja tetka povezuje UIO i Dragana Čovića.

Pogledajte film „Pandorina kutija“ <https://www.youtube.com/watch?v=cTspZjyEPug>



**ACCOUNT i Vlada Zeničko-dobojskog kantona potpisali Memorandum o saradnji**

Od februara 2017. godine Mreža ACCOUNT će pružati tehničku pomoć Vladi Zeničko dobojskog kantona na realizaciji mjera predviđenih njenim Akcionim planom borbu protiv korupcije. Dokument koji su potpisali Miralem Galijašević, premijer Zeničko-dobojskog kantona i predstavnici ACCOUNTA također precizira saradnju Vlade s predstavnicima nevladinog sektora, uključujući tehničku podršku, izgradnju institucionalnog kapaciteta, razmjenu informacija i promociju. Potpisnice će posebnu pažnju podizanju svijesti javnosti o štetnosti korupcije kao i unapređenju prevencije, koordinacije i borbe protiv korupcije.

**Nacrt Akcionog plana za borbu protiv korupcije u Zeničko-dobojskom kantonu u pripremi**

Interesorni tim za borbu protiv korupcije Vlade Zeničko-dobojskog kantona od oktobra 2016. godine radi na izradu Akcionog plana za borbu protiv korupcije čiji će nacrt do kraja februara 2017 biti upućen Vladi na razmatranje. Član ACCOUNT-a Nermin Kadribašić aktivno je sudjelovao u ovom procesu kao predstavnik ove mreže. Prednacrt Akcionog plana prosljeđen je i Agenciji za prevenciju korupcije i koordinaciju borbe protiv korupcije te Transparency International-u u BiH s ciljem pribavljanja stručnog mišljenja u pogledu njegove primjenjivosti, sveobuhvatnosti i usklađenosti sa obavezujućim smjernicama za sve ustanove, institucije i organe uprave na svim nivoima vlasti u Bosni i Hercegovini.



**Antikorupcijski planovi i na lokalnom nivou do kraja marta 2017!**

Predstavnici Centra za građansku suradnju Livno održavaju redovne sastanke sa radnim grupama za izradu antikorupcijskih planova u Općinama Čapljina i Ljubuški. Radne grupe su trenutno u fazi izrade akcijskih planova, uz tehničku i savjetodavnu podršku Antikorupcijske mreže u BiH – ACCOUNT, i očekuje se da isti budu usvojeni do kraja marta 2017. godine.

Po usvajanju, Centar za građansku suradnju Livno će pripremiti i emitovati radio emisije putem kojih će građani spomenutih općina biti informisani o usvajanju akcijskih planova te na koji način se i oni mogu uključiti u borbu protiv korupcije.

## Konjičani traže ukidanje rokova za prijavljivanje na birou za zapošljavanje

U sklopu kampanje „Moje zdravlje nema roka“ u februaru 2017 u Konjicu su građani svojim potpisima podržali peticiju kojom traže smanjenje broja neosiguranih osoba. Organizatori ove akcije, Partnerstvo za zdravlje i ICVA u saradnji sa Zdravstvenom mrežom u BiH podsjetili su na trenutnu legislativu po kojoj osobe u FBiH koje se ne prijave u određenom roku na birou za nezaposlene gube zdravstveno osiguranje. „Naši volonteri su animirali građane i u vrlo kratkom roku prikupljeno je oko 350 potpisa. Mi vjerujemo da će ova inicijativa zaživjeti i da građanke i građani Konjica, ali i cijele FBiH neće više morati strahovati da li će ostati bez zdravstvenog osiguranja“, izjavila je Almedina Kašić, potpredsjednica Udruženja „Volonteri i prijatelji konjičke regije“, čije su aktivistice i aktivisti sa uspjehom realizovali i ovu pozitivnu građansku inicijativu za našu zajednicu.

“Ovom kampanjom tražimo donošenje Zakona o izmjenama i dopunama Zakona o zdravstvenom osiguranju, tačnije izmjene člana 19. tačke 12, 13a i 14 i člana 86 tačka 7. Pored toga što bi smanjili broj neosiguranih osoba ovim izmjenama Zakona osigurava se primjena međunarodno priznatih prava i sloboda utvrđenih u međunarodnim standardima.“ kazao je Haris Karabegović ispred Partnerstvo za zdravlje.


## MONITORING TIM

Monitoring tim u oblasti zdravstvo je pod vođstvom Centra za građansku suradnju Livno (CGS Livno) proveo brojne aktivnosti povodom poboljšanja zdravstvene zaštite i podizanja svijesti građana o negativnom utjecaju korupcije na njihov svakodnevni život. Kroz različite aktivnosti u općinama Livno, Tomislavgrad, Goražde i Foča (FBiH), poput provođenja ankete, uličnih akcija, animiranja za prijavu korupcije i pružanje besplatne pravne pomoći... učestvovalo je više od 800 građana/ki iz BiH.

## Prijavitelj korupcije u BiH govori za Interview.ba

Nakon što je dobio otkaz u Javnom komunalnom preduzeću “Komb” iz Bužima, Hamdija Veladžić kreće u tešku i neizvjesnu borbu za pravdu. Stvari su krenule nabolje kada se za pomoć obratio Antikorupcijskoj mreži Account.

<http://interview.ba/interview/item/91-b-hamdija-veladzic-b-prijavio-sam-korupciju-i-opet-bih-to-uradio>



## MALI GRANTOVI ACCOUNT

### Ima li korupcije u obrazovanju?

Kreirati povoljan ambijent za uvođenje etike i prevencije korupcije u obrazovanje kroz saradnju sa školama, glavni je cilj projekta „Više znanja više transparentnosti“ organizacije CROA (iz Sarajeva) koji je podržan u okviru malog granta projekta ACCOUNT. Nakon javnih rasprava o bitnosti prevencije korupcije u obrazovanju, uličnih performansa i edukacije nastavnika u više kantona u narednom periodu CROA će sa partnerima organizovati i:

- Pilot časove iz antikorupcije u školama (kraj februara-mart)
- Takmičenje za učenike na temu etike i antikorupcije (mart)
- Završnu konferenciju o antikorupciji u obrazovanju za stručno osoblje (april)

„Molim vas pokušajte utjecati na javnost, ministarstva...da ova tema bude obavezna u školama pa čak i vrtićima...tad ćemo se moći nadati zdravijem i boljem društvu“ riječi su jedne od učesnica CROA-inih edukacija...

### Pravilnici za sprečavanje korupcije u zdravstvenim ustanovama u izradi!

Predstavnici javnih zdravstvenih ustanova Kantona Sarajevo, Tim Vlade Kantona Sarajevo za borbu protiv korupcije i predstavnici nevladinih organizacija aktivno su učestvovali na februarskoj stručnoj diskusiji na kojoj je predstavljen **Prijedlog pravilnika za sprečavanje korupcije u zdravstvenim ustanovama u Kantonu Sarajevo**. Učesnici diskusije su jednoglasno zaključili da samo zajedničkim pristupom rješavanju problema korupcije u Kantonu Sarajevo, kao što je rad na uvođenju ovog Pravilnika, može doći do smanjenja mogućnosti za korupciju i povećanja transparentnosti u radu. Diskusija je održana u okviru projekta podržanog od projekta ACCOUNT pod nazivom, „Uvođenje efikasnog modela za borbu protiv korupcije u zdravstvenim ustanovama u Kantonu Sarajevo“, koji implementira nevladina organizacija Inicijativa i civilna akcija (ICVA).

Besplatna pravna pomoć  
[www.bpp.ba](http://www.bpp.ba)

januar 2016

januar 2017

ukupno 37 prijava

27   
muškaraca

8   
žena

2    
više osoba

83,78%  
osnovanih prijava

6,45% podnesena krivična prijava

6,45% sugerisano podnošenje krivične prijave

87,09% u procesu analize dokumentacije i savjetovanja

javne nabavke

4  

obrazovanje

4 

zapošljavanje

15 

ostalo

14   

## Geografski prikaz pristiglih prijava



### NAJAVLJUJEMO!!!!

1. Konferencija o javnim nabavkama, u organizaciji Udruženja TENDER/Mreža ACCOUNT – maj 2017, Banja luka
2. Konferencija „Zaustavi korupciju, unaprijedi zdravstveni sistem,“ u organizaciji Udruženja Stop Mobbing, Trebinje – mart 2017, Trebinje
3. Potpisivanje Memoranduma o saradnji Antikorupcijske mreže u BiH – ACCOUNT, Agencija za prevenciju i koordinaciju borbe protiv korupcije (APIK) i Vlada Srednjobosanskog kantona, TBC